

Dispvtationes Theologicae

Quatuor Tomis distinctæ: Qvibus Vniversa Theologia Scholastica Clare,
Breviter & accuratè explicatur

De Deo, Et De Angelis

Martinon, Jean

Burdegalae, 1644

Sect. 1. An Deus sit inuisibilis oculo corporeo.

[urn:nbn:de:hbz:466:1-73898](https://nbn-resolving.de/urn:nbn:de:hbz:466:1-73898)

negationis seu remotionis. Via causalitatis est, quando ex cognitione creaturarum ad cognitionem Creatoris progredimur, sicut in alijs solemus philosophiam effectis ad causas. Via eminentiae est cum iā instructi via causalitatis, tribuimus Deo eminentior modo quicquid certius perfectionis in effectibus ab ipso creatis. Quia quicquid est perfectionis in effectu, est in causa efficiente, à qua, vel in qua est tota vis effectum produceendi; vel formaliter, si causa est vniuoca; vel eminenter, si est æquiuoca, qualis est Deus respectu creaturarum. Via demum negationis seu remotionis est, cum ita perfectiones creaturarum Deo tribuimus, ut omnes earum imperfectiones ab eodem remouamus. Primā usus est Paulus Actorum 14. Et quidem non sine testimonio semetipsum reliquit, dans pluias de caelo &c. Secundā, Vates regius Psal. 93. Intelligite insipientes in populo, & stulti aliquando sapite. Qui plantauit aurem non audit, aut qui finxit oculum non considerat? Tertia, Moyses num. 23. Non est Deus quasi homo ut mentiatur, neque ut Filius hominis ut mutetur.

SECTIO I.

¶ Deus si inuisibilis est, corporeo?

August.

Deus non
potest na-
turaliter
videri ocu-
lo corpo-
reо.

Re que
superatu-
raliter.

Suarez
Valquez
Valeant
D. Thom.

VISIONIS nomen corporeo & incorporeo comune est, oculorum & mentis, ut Corat. S. August. init. epist. 112. Quin etiam, sed latè admodum & corporeo, sumitur aliquando pro cognitione abstractive, vt Iobi. 36. Omnes homines eum vident, unusquisque cœetur procul, id est, cognoscit vñquaque in creaturis procul ab eius perfectione distantibus. De primo genere visionis, circa Controversiam est Deum, sicuti est, visu corporeo non posse videri naturaliter. Id enim saltem eum tantum testimonia Scripturae quibus Deus alicit esse inuisibilis. 1. Timoth. 6. v. 20. Rom. 1. v. 20. Coloss. 1. v. 15. aliisque locis. Nam ut vero aliquo sensu dicatur Deus esse inuisibilis, necessitate est, ut saltem visu corporeo naturaliter videri non possit. Addo quod oculus nihil potest videre naturaliter nisi accidentia quædam corporæ, lumen, colores, figuram, extensionem, & motum aut distantiam localem; ut patet experientia. Deus autem est substantia puræ spiritualis, carens omni accidente corporeo. Ergo non potest naturaliter oculo corporeo videri sicuti est.

Addo præterea, ne quidem videri posse supernaturaliter, & per potentiam Dei absolute. Quod dogmati fidei propinquum esse ait Suarez lib. 2. de atrivio. cap. 6. num. 5. Vasques autem disputat 4. capite 2. contrarium vocat errorem: Valentinus quæst. 12. punct. 3. & alijs quidam aiunt esse de fide. Ratio D. Thomæ q. 12. art. 3. & communis, hac est: quia nulla poten-

tia ferri potest extra suum obiectum. Deus autem, cum sit omnino incorporeus, Et extra obiectum visus corporeo (qui pro obiecto adæquato habet corpora, sive corporum accidentia) non mirus, immo infinitè magis quam lumen est extra obiectum auditus; & tamen extra obiectum Deus. Quæ ratio generaliter concludit de quovis alio sensu, sive externo, sive interno: quippe qui omnes materiales sunt, & limitati essent sive ad obiecta materialia. Eadem rationem afferunt SS Patres, vt Athanasius in epist. ad Libeium, affirmans Deum inuisibilem & inactibilem esse, quia spiritus est. Et in eisdem sensum interpretantur Scripturæ loci paulò ante citata: interpretantur, inquam, quod Deus non modo in inuisibili oculo corporeo naturaliter, sed quod ne quidem supernaturaliter, ac de potestate absoluta possit oculis corporeis certi fieri est; sicut potest ab intellectu creatus.

Ad quod magis declarandum & confirmandum nota, tripliciter intelligi aut fingi posse, Deum esse visualem supernaturaliter oculo corporeo. Primo, visione corporali non tantum formaliter in seipso sed & obiectu, id est, tendente in Deum, ut in obiectu corporeum, exprimendo eius lucem, vel colores, & lineaamenta simili modo quo per oculum exprimitur obiecta naturaliter visibilia. & nichil solum differentiatione, quod tale obiectum sit extra sphæram naturali potentiæ visuæ, idcōque ipsa egat onus cursu supernaturali ut possit illudatingere. Ad eum modum quo aliqui tentent gloriam corporum beatorum non posse videri oculis corporis, sine auxilio & circuculo superante. Namq[ue] debitur: quamvis alioqui lux illa, & gloria corporum beatorum, exprimatur oculo, simili modo quo lux solis & astrorum, & extensa scilicet, intensa, & diffusa. Atque hoc modo Deum esse inuisibilem supernaturaliter oculo corporeo, id est, Deum non posse

cali modo videri sicuti est, nō minūs fide di-
vina errum est, quām constat Deum esse in-
corporeum. Quidquid enim talī modo vide-
tur, & videtur sicuti est, corporeum est: quia
est lucidum, aut coloratum, extensum ac
diuisibile. Eoque maximē sensu negant SS.
Patres Irenaeus, Athanasius, Eusebius, & alii,
Deum posse videri absolūte oculo corporeo,
locis relatis à Suare lib. 2. de attributis, cap.

6. num. 4.

Nec visio-
nē corpo-
rā ex-
prī-
mētē ob-
iectū spī-
ritale sicuti
est.

Secundō, intelligi aut singi potest Deum
esse visibilem oculo corporeo, visione corpo-
rali quidem formaliter, id est, in seipso: sed
exprimētē obiectū spiritale ut spīritale,
& sicut est in seipso: eodem modo, quantum
est ex parte obiecti, quo exprimitur visione
spiritali & intellectuali: qui modus vi-
dendi licet naturaliter sit impossibilis oculo
corporeo, non superet tamen eius potentiam
obedientiale, quippe qui potest attollī ad
videndum visione corporea, & diuisibili in
se, aliquid indiuisibile, aut postum in indi-
uisibili: pūta pūctūm lūminis, aut corpus
lucidum postum in indiuisibili, ut corpus
Christi ponitur in sacramento Eucharistie.
Ex quā putabit aliquis colligi posse, non im-
plicare contradictionem, ut visio corporea
attingat quoque & exprimat indiuisibile spī-
ritale, id est, spīritum quā talis est. Neque
enim ex eo sequitur contradictionē quam ali-
qui prætendunt: fore nūcūm ut in eo ca-
su videretur id in diuisibiliter, & indiuis-
ibiliter. Diuisibiliter quidem: quia visio cor-
porea, seu materialis, est necessariā diuisibili-
lis, & pupillā commensurā, atque yna sui
parte repräsentat partem obiecti, alias alii.
Indiuisibiliter autem: quia, ut supponimus,
videret indiuisibile quā indiuisibile, & spī-
ritum ut spīritum, id est, sicuti est. Respon-
derē nūcūm facile potest non videri simul di-
uisibiliter & indiuisibiliter ex parte obiecti,
in quo esset contradictionē: sed diuisibiliter ex
parte visionis, & indiuisibiliter ex parte ob-
iecti: id est, visione in seipso diuisibili, & ma-
teriali, videret obiectū indiuisibile, & spīri-
tale. In quo non magis est contradictionē, quām
in eo quā Deus & Angeli visione spīritali,
& diuisibili, cognoscant obiecta materia-
lia & diuisibilia. Falsum, verò est partem
vnam visionis repräsentare in eo casu vnā
partem obiecti. Nam potius omnis visio cor-
porea se totā & qualibet sui parte repräsentat
& exprimit vitalitē totū obiectū
quod attingit.

Verumtamen aliunde iste modus fictitius
& impossibilis esse mihi videatur. Primi, quia
licet non sit impossibile videri oculo corpo-
reο confusè per modum obiecti quādam
extensi colorati & lucidi, vel luce illustrati,
corpus in diuisibili quidem postum, sed
tamen replicatum, & per replicationem, seu
multiplicem sui positionem, ad eam
spatio extenso: aut lucem simili modo pos-
sum: Potest enim extenso ilsa apprensus suffi-
cere ad visum corporalem, qui non discernit
an lux quam videt, conseruans extensi-

nis realiter diuersis? similique modo vide-
ret, quamvis lux vna & eadem constituere-
tur tota in pluribus locis, per solam replica-
tionem aut multiplicationem praeficiā. Probabilis tamē existimo, impossibile esse
videri oculo corporeo rem materialē, aut
corpus penitus inexistentium, & in vno condi-
visibili possum. Quia hoc ipso quād ita
constituitur, trahitur extra obiectum visus
corporeo id est, materialis & crassi, ex gentis
ex parte obiecti sensibilem aliquā exten-
sionem, quam efformet. Extensionem, in-
quam, vel per replicationem quasi conti-
nuam eiusdem, vel per due si atem partium
aliarum extra alias, quam differentiam visus
corporeus non differt, ut paulo antē dixi-
mus: Esto, sit illa necesse iā ut possit obiectū
naturaliter imprimere speciem, vel determi-
nare potentiam visuam: quāce plura dicemus in tract. de Eucharistia. Secundō, qua-
licet absolūte videri posset oculo corporeo
corpus in vno condiuisibili possum: secūs
tamen spīritus, qui est extra rotum obiectum
visus corporei, multō magis quām sonus, vel
odor sit extra obiectum eiusdem visus. Im-
plicat enim, potentiam ferri extra totum
suum obiectum. Quare non minūs implicat
oculum corporeum videre D. um sicuti est,
quām eundem oculum videre solem vel
odorem. Qua de re plura dicemus infra, nu-
10. 11. & 12. Denique per se incredibile est,
posse visione materiali & corporeā, qualis
supponitur esse illē actū, exprimi germane
& quidditatē Deum sicuti est, id est, spīri-
tum purissimum, & à materia remissimum.
Est enim visio materialis corpora quāam
imago sui obiecti, & vitalis eius expressio.
Quare sicut impossibile est, Deum exprimē
germane, proprie, & quidditatē illā ex-
ternā imagine, & quibuscumque coloribus
aut lineamentis, quantū quis per potentiam
obedientiale eleuari: ita pariter impossibi-
le est, vpingi Deum & repräsentari, sicuti
est, internā vīlā imagine corporeā corporis
seu specie materiali expressa ab oculo for-
mata. Item si posset visus corporeus hominis
exprimere Deum sicuti est: posse & visio
corporeā brutorum, ut ostendemus paulo
post: neque ita posset bruta ad videndum
Deum attollī, quod est absurdum & impos-
sibile.

Tertiō, intelligi potest visionem illā,
elicitam licet ab oculo corporeo, esse forma-
liter & in seipso spīritualē: ed quād non
repugnat, potētiam materialē eleuari ad
producendum aliquid spīritale. sicut multi
putant Sacra menta, in rebus materialibus
constituta essentialiter, eleuari physicē ad
producendam gratiam. Quo modo Joannes
de Salas Tom. 1. in 1. 2. tractat. 2. disput. 5.
Sect. 1. censem Deum videri posse per visio-
nem spīritalem à potentia materiali produ-
ctam. Idemque, loquendo cohārenter, debe-
rent assere quicunque putant quidlibet
posse elevari ad quodlibet & potentiam obe-
dientiale creaturarum non esse fieriendam

Nec visio-
nē spī-
ritualē
elicita ab
oculo cor-
poreo.

ex entitate & virtibus ipsarum, sed ex virtute omnipotentiae diuinæ cui subordinatur, quæque potest ut qualibet creatura ad omnia in scipis posse oiliam. Nam quod aliqui eorum respondent, potentias vitales duobus modis spectari posse. Primo, ut sunt potentiae vitales, scilicet, ut sunt creature quædam Deo subiectæ per potentiam obedientialem. Et prior modo non posse ferri extra suum obiectum; ideoque impossibile esse, ut aliqua vis corporis versetur circa rem spiritalem, aut circa sonum, vel odorem: quia hæc non sunt obiecta potentiae visivæ. Posterior modo, posse assumi tanquam instrumentum ad quemcunque effectum, qui non indiget principio vitalis sui productione. Hoc, inquam, parum cohærenter dicitur. Nam ut omittat dicere, membra illius diuisionis non bene assignari: quia potentiae vitales, quæ tales, sunt creature Deo subiectæ per potentiam obedientialem; si potentiae vitales, ut vitales, habent certum & limitatum obiectum, ultra quod ferri non possunt, etiam prout subiaceat obedientialiter omnipotentiae diuinæ; potentia obedientialis earum ut talium, non est ad quiclibet, neque respondet omnipotentiae diuinæ: sed membratur ex natura potentiae vitalis, ut talis: qua natura cum sit limitata & finita, non potest, ne quidem obedientialiter, eleuari ad quocunque obedientiale, & ad quemcunque actum vitalem. Atqui eadem potentia vitalis, spiritualiter non solum ut est creatura quædam Deo subiecta per potentiam obedientialem, sed etiam ut est potentia vitalis naturæ & speciei, est quoque naturæ finita & limitata: ergo, non potest, etiam ut talis, eleuari ad quemcunque effectum; ac ne quidem ad illum omnem qui non indiget principio vitali in sua productione: quia hujusmodi effectus sunt possibilis in infinitum, specie diversi, & infinite disparati ac disproportionati inter se. Deinde si potentia quæ est vitalis, non potest, quia vitalis, attollit ad omnem actum vitalem, id est, ad omnem effectum indigentem principio vitali in sua productione: quare potest eadem potentia, quia non vitalis (si tamen potest, ut ita spectari) attollit ad omnem effectum non vitalem: id est, cur magis potest eleuari potentia non vitalis ad omnem effectum non vitalem, quam vitalis ad omnem vitalem? Cur denique obiectum unius est illimitatum in suo ordine, potius quam obiectum alterius? Confirmatur, quia et ex parte creature quæ potest attollit obedientialiter, praiacere debet aliquid fundamentum effectum ad quem potest eleuari, & aliqua vis inchoata, quæ possit per elevationem, id est, per concordium supernaturalem compleari, quæ vis, quia presupponitur elevationi, non accipitur per illum, sed compleatur & iuuatur auxilio isto supernaturali adiuncto: et si huiusmodi prærequisitum, sed à sola Dei voluntate & omnipotentia penitus, ut eleuatur ad quicunque voluerit. Si primum: potentia obedientialis creaturarum metienda est ex ipsa re-

rum creatarum essentia, quæ cum sit limitata, non tantum se extendit, quantum dicitur digna omnipotentia: idque tam verum est de potentia non vitalibus, quam de vitalibus, prout vitalibus: quia potentia non vitale creatæ, sunt limitatae & finita naturæ, & quæ ac vitale. Quare nulla est differentia supra data ab Aduerariis, & falsum est principium quod supponunt; quidlibet posse eleuari ad quodlibet &c. Si autem dicatur secundum, id est, si pendet à sola Dei voluntate & omnipotentia eleuatio creaturæ, nullo ex parte eius prærequisito veluti fundamento, & virtute inchoata effectus ad quem eleuatur: ergo ab illa sole pender, ut potentia vitalis, quæ talis, eleuatur ad quemcunque actum vitalem: & ut oculus corporeus, g. eleuatur ad videndum Deum. Porro non magis est intelligibile, Deum sola sua voluntate facere posse, ut creatura, eadem in se manens, possit id quod nullo modo potest, ne inchoata quidem & partialiter: quam ut eadem in se manens, sit id quod nullo modo est. Neque potest Deus sapienter velle primum, potius quam secundum.

Nihilo melius est quod alij respondent cum Fazolo quæst. 12. art. 3. num. 6. oculum corporeum posse quidem absolule producere visionem Dei, camque in se recipere & sustentare, atque ita ad illam eleuari ut ad effectum simpliciter sed non tanquam ad medium formale, quo oculus fiat formaliter videns obiectum illius visionis, quod est Deus. Sicut non implicat lapidem v. g. producere actum scientiæ, cumque in se recipere ac sustentare: implicat verò per illum actum ita informari, ut fiat lapis sciens & doctus. Vel, ut alij loquuntur, non implicat quidem oculum, & quamvis aliam creaturam produce & visionem Dei modo mortuo: sed implicat modo vitali. Ratio differentia, inquit Fazolus, est, quia ut in modo causa comparatur ad unum effectum, ut extrinseca, & instrumentalis in suo genere, tanquam ad aliquid extrinsecum & ponendum extraire: Posterior verò comparatio est intrinseca, & principalis in suo genere causæ formalis: quia per illam respicit effectum spiritualis, ut forma intrinseca informans potentiam, & se ipsa formaliter & immediatè respectans obiectum potentia, & qualiter immutante & intrinsecè visere in esse intentionali, & representando, obiectum potest: Ad quo, inquit, multo major proposito & convenientia regrediuntur inter potentiam, actum, & obiectum; quam postulet producio effectua extrinseca & instrumentalis respectu sui effectus. Ideoque si obiectum est spirituale, requiritur essentialiter ad illud videndum, ut visio etiam & potentia sunt spirituales.

Sed contra, primo: Multi eorum qui sic philosophantur, censent actum vitalem visionis, ex gr. esse, completè, integrè, & adæquare, qualitatem realiter distinctam à potentia, ab illaque productam, & in ea receperam. Quo supponendo, sola ista qualitas est

essentialiter visio; & effectus illius formalis primarius, est constitutere videntem. Ergo, quām est impossibile formam subiecto inhērente, & non illi tribuere suum effectum formalem primarium, qui nihil est aliud quām ipsa forma subiecto communicata; tam est impossibile visionem Dei recipi in oculo, & sustentari, ipsique inhērente; & non illum constitutere formaliter videntem Deum. Idemque dico de actu scientia respectu lapidis, & de aliis similibus.

Secundò, non est verum, quod ait Fazolus, causam que producit effectum immanenter, illum in seipso recipiendo & sustentando, comparari ad illum ut ad effectum extrinsecum, & ponendum extra se. Implicat enim in terminis, effectum esse in ipsa causa, ipsique intrinsecum & inhārentem: & esse ipsi extrinsecum. Pariterque implicat, effectum produci à causa in seipso immanenter; & tamen causam illum ponere extra se, vel, quod idem est, illum respicere ut ponendum extra se. Implicat denique cōparationem talis effectus ad suam causam, prout illam informantis, ipsique inhārentis; non esse cōparatio-^{nem} intrinsecam, & principalem in suo genere causa formalis. Cumque per Aduersarios effectus ille solus sit totus actus vitalis, seipso formaliter & immediate representans obiectum potentiae, illudque vitaliter & intentionaliter experimentans, atq; vniens potentia formaliter & immediate in esse intentionaliter ac repräsentatio: impossibile est talem effectum informare potentiam, aut quocunque subiectum aliud, ipsique inhārente: & non illi repräsentare, atque vniire obiectum vitaliter & intentionaliter, formaliter & immediate. Quia talis effectus est formaliter & essentialiter talis repräsentatio & vno: estque impossibile ut subiecto inhāreat, & tamen illi non tribuat suum effectum formalem primarium, qui est ipsamē formā, ut subiecto communicata.

Tertio, requiriunt, ut ait Fazolus, aliqua proporcio & convenientia inter actum vitalē, potentiam & obiectum, ad huiusmodi vnonem & repräsentationem intentionalem: Ergo falsum est potentiam obedientiam in vno verum pendere solum ex Dei voluntate & omnī tentia. Et ab illo quārendū supereſt, cur non similiter requirantur in alijs cauſa, & effectus ab illis producibilis? ita ut defectu ſufficiens proportionis non poſſit eleuari ad quocunque effectus: ſicut potentia vitalis oculi corporis v.g. non poſſet attollī ad quodlibet obiectum videndum.

Quarid, si iuxta rei veritatem ſola qualitas producita non eſt totus actus vitalis, ſed requiriunt attentione principij producentis, & aliquod aliud eius exercitium, p̄tē ſimpli- cem productionem & receptionem qualitatis: parum adhuc cohārenter afferunt, poſſe oculum corporis eleuari ad producendam visionem Dē, ſed non poſſe eleuari ad illam

attentionem, & exercitium. Nam fundamen- tum Aduersiorum, propter quod primum afferunt, eſt quia creaturæ plenē ſubſunt omni potentiā diuinā, ita ut Deus p̄tē iſis vti ad quidlibet agendum. Atqui non minū ſubſunt Deo q̄rād alios uſus & exercitia, quām quoad actionem: neque magis ſunt illimitata in agendo, quām in quoquis alio exercitio: Ergo, ſi Deus p̄tē iſi pro libito cor- poreis oculis ad producendam Dei viſio- nem: poſſet pariter illis vti ad omnem uſum, & exercitium neceſſarium ad videndum vi- taliter, id eſt, ad id omne quod vlt̄riū re- quiritur, ut Deus videatur oculo corporeo.

Ia. v̄rd vlt̄riū, ſi Deus poſſet videri oculo corporeo humano, p̄tē & bruto: Si Deus imo etiam poterit à lapide, & a quaui alia poſſet vide- creātura videri. Et conſequenter poterit etiam ab illis amari & perfecte poſſideri, per viſionem & fruitionem beatitudinem. Item poſſet & poterit oculus corporeus hominis & bruti, & quālibet alia res diſcurrere, liberè agere, & familiā: qua ſunt penitus absurdā & incre- dibilia. Prima ſequela probatur, tum quia ho- mo non ſuperat viſu omnia bruta, imo à qui- buſdam eorum ſuperatur: ut à Lynce, & Aquila: nihilque homo naturaliter videret, quod non aquē bruta multa percipient. Quod ſignum eſt, potentia naturalem videndi huimodī brutorum, non eſſe imperficio- rem, ac proinde non minū deuabilem. Tum etiam qui quālibet oculus brutorum, & que- libet alia res, ut lapis, lignum, &c. poſſet, iux- ta doctrinam Aduersiorum eleuari, ad Dei viſionem producendam & recipiendam, & conſequenter ad omnem uſum re- ceptam, ut per illam vitaliter Deum percipiat, ut paulo antē probauimus.

Secunda quoque ſequela probatur, quia eodem arguimento, quo Aduersarij merunt, poſſe oculum corporeum hominis & bruti eleuari ad producendam Dei viſionem, de- bent cohārenter loquendo atque appetitiū corporeum hominis & bruti eleuari, poſſe ad Deum amandum, & de egredendum, amo- re, & gaudio viſioni p̄tē ſonato: idque non tantum modo mortuo, ſed etiam vitali, ut ſuprā ostendimus. Itaque equus & asinus poterunt Deo frui beatificē, & attingere ad illam Dei ſimilitudinem, ad quam in crea- tionē inchoatam, & in beatitudine perficien- dam & consummandam, dicitur homo fuſſe factus ſpecialiter p̄r ceteris animalibus, Genes. 1. vers. 26. & 27. iuncto 1. Ioann. 3. vers. 2. Similes erimus, quia vidēbimus eum ſe- cūrī eſt: iuxta expofitionem SS. Petrum, Gre- gorii Nyſſei, & aliorum paſſim, ut reſtatur Cornelius à Lapide ad verbum Genes. citatum 5. Dic ſecondo. Quin etiam ſolus ipſe oculus poterit ad hāc omnia eleuari: ſicut iuxta principium Aduersiorum, poſſet ſo- lus ſufficere obedientia litera ad producendo actus viſionis amoris, gaudij, & omnes alios effectus poſſibiles in ſeipſis. Idemque dico de lapide, & quaui alia cūrā: quia quālibet poſſet eleuari ad quidlibet agendum: &

Poſſent etiam bruto Deo ſuſ per amore & gaudiſ.

non minus potest eleuari ad quemcunque vsum vel exercitium, quam ad quamcunque actionem & effectum. Vnde etiam poterit oculus corporeus hominis & bruti, & quilibet alia res, discurre & liberè agere: quia poterit producere omnes actus necessarios ad discursum, & ad liberè agendum: & eleuari ad omnem vsum qui est necessarius ut illi actus vitaliter & liberè eliciantur. Quæ omnia puto videri curribet esse per absurdura. Quare pariter absurdum est, & impossibile, Deum posse oculo corporeo videri supernaturaliter, hoc tertio modo quem impugnamus, æquæ ac duobus aliis supra refutatis.

Meliùs ergo, & verè, cohærenteque ratio-

**Potentia
obedienti-
alis quid possit ad aliquid eleuari, esse ipsammet ea-
rum entitatem, vel facultatem à natura insi-
tam, quæcūs potest cum Dei auxilio ex-
traordinario, & natura non debito, concur-
gere ad effectum, quem solis virtibus suis na-
turalibus, vel adiuta solùm ab aliis causis na-
turalibus, cum Dei concursu generali, attin-
gere non posset. Eleuare enim nihil est aliud,**

**quām Deum vel per se immediatè, vel per
auxilium aliquod creaturæ, se adiungere ali-
cuius cause, ad concurrendum extraordinariè
cum illa coagente, & conferente vim suam;**

**ita effectus supernaturalis fiat à Deo ele-
uante simul, & à creatura eleuata, id est, adiu-
ta extraordinariè: simili modò quo pondus
fertur à duobus se inviatis, & ad ferendu-
m cœncrestibus: cum hac solùm diffe-
rencia quid auxilium & concursus causa eleuanti
est i per naturalis eleuata, & indebi-
tus ordinari.**

**Ex quo secundò sequitur, quid ut aliquid eleuatur ad agendum physicè, debet habere vim aliquam, inchoatam licet & imperfec-
tam, per quam physicè influat in effectum supernaturalē: cum concursu superioris causa eleuatis, & compleatis vim illam in-
choatam, & imperfectam, atque de se insuffi-
cientem, neq; aptam completi à causis solis naturalibus. Quare vim non accipit per ele-
uationem; sed illi præsupponitur, & per eam completer. Probatur, quia sicut recte ait Aegid. Conink, tom. I. de Sacram. q̄r̄st. 62.
att. 4. dub. vñico, num. 113. ut aliqua res à Deo eleuata producat aliam physicè, non sufficit quid Deus, vel auxilium supernatu-
rale, ad presentiam illius rei, alteram produ-
cat: ita ut res eleuata non producat, sed ha-
beat tantum se passuè ad elevationem, vt
quando aqua calida producit calorem, ipsa
tancum passuè se habens, & sustentans calo-
rem, qui solus verè ac propriè calefacit, &
perinde operatur, si sine aqua esset: sed in-
cessit est, ut ipsam res quæ eleuatur, influat
tanquam causa partialis in effectum, per vir-
tutem libi propriam. Alioqui non ipsa, sed
Deus solus, vel auxilium eleuans ageret
physicè. Debet, inquit, per se influere: sicut,
i. g. intellectus noster per vim libi connatu-
alem (id est, à natura insitam, quæque est**

ipsem intelleximus) & intrinsecam atque propriam, influat in visionem beatificam, tamque veluti causa partialis producit unam cum lumine gloria. Similique modo producimus per intellectum & voluntatem, actus supernaturales Fidei, Spei, & Charitatis, concurrentibus habitibus vel auxiliis supernaturalibus. Nisi enim res eleuata influat per seipsum physicè in effectum, non potest dici verè apropriè illum physicè produce-
re. Et nisi habeat vim aliquam actuum aliquo modo proportionatam effectui, ita ut simul cum virtute concurrente causa eleuantis apta sit constituere integrum causam effectui proportionatam, intelligi nequit quomodo in talen effectum influat. Etenim actio non solum supponit agentes esse, sed etiam habere vim agendi: Ideoque sicut id quod non est, non potest eleuari ad agendum: sic neque id quod nullam habet vim agendi, potest ad agendum eleuari, id est, auxilio extraordinario & supernaturali iuuari, ut agat.

**Vnde sequitur tertio, non posse quidlibet eleuari ad quodlibet; sed potentiam obedientialem creaturæ cuiuslibet habere certum obiectum, & limites, ultra quos eleuari ad nequit. Probatur, quia potentia obedientialis est ipsamet entitas creaturæ elevabilis, quæ per seipsum debet, ut eleuari possit, habere vim inchoatam ad influendum in effectum ad quem eleuatur. Qui entitas illa cu[m] sit finita & limitata in essendo, est quoque finita & limitata in operando: neque habet vim iuchoans ad omnes effectus possibiles: ita ut tanum se extendat, quantum diuina omnipotencia, quæ infinita est. Quare absurdum est existimari quilibet creaturam, etiam vilissimam, eleuari posse physicè ad quidlibet, id est, ad omnes effectus possibiles in seipsum; & non habere alios limites, quam habeat ipsa omnipotencia diuina, quæ nullo habet. Cùmque potentia obedientialis non sit ipsa omnipotencia diuina, sed entitas rei creaturæ elevabilis; non est metienda ex amplitudine & infinitate sola omnipotencia diuina, sed ex perfectione vel imperfectione rei creaturæ elevabilis; ita ut quia finita est, non possit infinitè, vel magis a magis in infinitum eleuari ad perfectiores, quoduscunque effectus, quantumvis a le distantes, & improportionatos: sed ad aliquos tantum, ad quos de se vim inchoatam habet naturaliter: & quod perfectior est, possit etiam ad perfectiores eleuari. Ita ut v. g. licet oculus corporis non possit atolliri ad effectum virilem: possit tamen intellectus humana, qui perfectior est, & ad hoc habet vim inchoatam; ut ex eo colligimus, quid viribus solis naturalibus potest Deum cognoscere, etiam conce-
ptu proprio, id est, ei soli conueniente, quamvis imperfecto, & analogè formato, ex rebus creatis. At oculus nullam Dei, ut Dei, co-
gnitionem forniciat viribus naturalibus: ideoque nullum est fundamentum afferendi, quid habeat vim inchoatam ad videndum.**

Deum. Quod ex eo amplius confirmatur: quia potentia finit, quales sunt potentiae cognoscitiae hominis sensitiae, debent habere obiecta finita & limitata: ita ut vterius non possint operari, ne quidem obedientialiter. Et quae sunt perfectiores, debent habere perfectius obiectum, circa quod tum naturaliter, tum supernaturaliter & obedientialiter exercere se possint. Quare sicut non potest oculus videre sonum, nec auditus audire lumen & colores, neque gustus aut olfactus percipere lucem aut sonum: ita neq; possunt sensus materiales externi, aut interni, percipere quicquid potest attingere intellectus, facultas spiritalis longe amplior & perfectior: adeoque nec Deum clare visum, qui est obiectum intellectus supremum, & nobilissimum, sensibusque maxime disproportionatum, atque ab illis remotissimum. Concludo igitur non posse Deum, sicuti est, vlo modo videri visu corporeo: esseque fictos & improbabiles eos omnes modos, quibus non nulli imaginantur id fieri posse.

SECTIO. II.

Soluntur obiectiones contra doctrinam propositam.

Contra id quod diximus, Deum de potentia absoluta non posse videri oculo corporeo, obiciuntur primi, quædam Scriptura loca quibus contrarium videtur asserti. Isaiæ 6. Genesis 32. Iob 19. & 42. aliisque locis. Secundò, quod D. August. lib. 22. de Cuius. cap. 29. dubitauerit, n. Beati oculis corporis Deum visuri sint. Tertiò, quod per potentiam obedientialem creaturæ atrolli possint ad operandum supra naturalem capacitatem: quidni igitur oculus ad Deum videntur?

Duo sensu Deus dicitur videnti in Scriptura: Ad primum Respondeo, loca illa intelligenda esse, vel de visione Dei, non in seipso & sicuti est, de qua hic loquimur; sed in aliquo simulacro corporeo ipsum quodammodo reprobante: quo pacto Isaias cap. cit. scribit, *vidisse Deum sedentem super solium excelsum*: & Jacob Genes. 32. ait, *se vidisse Dominum faciem ad faciem, in simulo rupi quo tota nocte luctatus erat*. Nisi potest hoc loco *Vidi Dominum facie ad faciem*, & *sala facta est anima mea*, significaret, congreffus sum & luctatus cum illo: phrasa Hebraica, simili illi qua dicitur *mus gallicè, nous vous verrons teste à telle, & indicans verbailla*, & *sala facta est anima mea*; id est, & tametsi cui salvus quadrere & queque sequuntur paulò post. *Quoniam si contra Deum fortis fuisti, quanto magis contra homines preualebas?* Quam expositio nem illius loci subtilem & ingeniosam tradidit Valentinus Heric disq. 36. cap. 1. n. 4. & confirmat ex simili modo loquendi: Reg. 14. ve 4. 8. & 11. & cap. 23. vers. 29. Sed illi obest quod Iudic. 3. vers. 22. simili modo

loquendi viri Manue pater Samsonis, viso dumtaxat Angelo Domini, sine lucta. *Morte moriemur, inquit, quia vidimus Deum.* Vel etiam secundò, in aliis Scripturæ locis sermo est de colloquio & conuersatione valde familiaris cum Deo, quali fruebatur Moyses, qui idcirco dicitur interdum, vidisse Deum palam, non per ænigmata solum & figuratas multoque melius, quam alios Prophetas, Nu. 12. vers. 6. Vel etiam tertio, de visione Christi Domini secundum humanitatem, de qua Iob sic aiebat cap. 19. *Scio quod Redemptor meus vivit, & in nouissimo die de terra surrecturus sum, & in carne mea video Deum salvatorem meum:* quæ duo verba postrema licet desint in Hebreo, & in Vulgata Sixti V. optimè tamē conuenient cum precedentibus, *Credo quod Redemptor meus vivit, &c.* Vel quartò denique possunt verba illa intelligi de ratione mentali, deque oculis cordis seu spiritu, de quibus Paulus ad Ephes. 1. *Det vobis spiritum sapientia in agnitione eius, illuminatos oculos cordis vestri.* De eademque visione per oculos mentis eundem locum Iobi exponit S. August. lib. 22. Augst. de ciuit. cap. 29. post medium, vbi post traditam priorem expositionem his verbis, *Possit Deus Christus intelligi, qui per carnem in carne videbatur: subiungit: Posset & sic accipi, in carne mea video Deum, ac si auctor sit, in carne mea ero cum video Deum.* Ad quod confirmandum ponderat Iob: *nun dixisse, per carnem meam, sed in carne mea.* Pandemique expositionem referit & sequitur S. Thomas quæst. 12. art. 3. ad 1. D. Thom. & simili modo exponunt ambo de oculo mentis illud quod idem S. Iob. *Auditus auris auditio te: nunc autem oculus meus video te.* Culus loci sensus literalis est: Prius multa audieram de tua prouidentia: nunc autem video manifesta eius signa & indicia in me ipso. Vel ut exponit Gregor. magnus Gregor. ibidem: *Nunc multò meus es quam antea te cognosco, quia per flagella profeci.*

Ad secundum Respondeo primi, id de quo dubitauit S. Augustinus, indubitatec alius Patribus negatum fuisse: *ab Ambrosio* Ambros. serm. 8. in Psalm. 18. ad illa verba, *Deputabor valium tuum Domine*, vbi censet hoc esse impossibile; dicit enim errorē esse ita existimare: *Ecce non ab Athanasio, Chrysost. Gregorio Nazianz. & Hieron. quorum omnium verba in eandem sententiam refert ipsomet*

August. Epist. cxI.

Respondeo secundò, cum D. Thom. quæst. 12. art. 3. ad 2. S. Augustinum loco prius citato loqui inquirendo tantum & sub conditione. Sic enim ait: *Longe itaque potentia alterius erunt* (scilicet oculi glorificati) *si per eos videbunt incorporea illa natura:* Postea vero determinat dicens: *Vnde credibile est sic quis visuero mundana runc corpora celi regi, & terra nostra, ut Deum ubique presentem, & uniuersa etiam corporaliter gubernantem, clarissimè perspicuitate videamus: non sicut nunc inuisibilia Dei per ea, qua facta sunt, intellectu conspicuntur; sed sicut homines, inter quos videntes, motusque vitales exercentes vivimus; mox ut aspicimus, non credimus.*

Oculi Beatorum non vident Deum in seculo.